

ՄԵԾԻ ՏԱՆՆ ԿԻԼԻԿԻՈՅ ԿԱԹՈՂԻԿՈՍՈՒԹՅԱՆ ՄԱՏԵՆԱՊԱՐԱՆԻ ԱՇԽԱՏԱՆՔՆԵՐԻ ՆԵՐԿԱՅԱՅՈՒՄ

Անահիտ Թարխանյան

Մեծի Տանն Կիլիկիոյ Կաթողիկոսութեան Մատենադարանի թվայնացման
աշխատանքների ղեկավար

Հարգելի բարեկամներ,

Մեծի Տանն Կիլիկիոյ Կաթողիկոսութեան Մատենադարանը գալ տարի կնշէ իր 85 ամեակը: Այսօր Մատենադարանում աշխատում է 2 հոգի, Տիրայր արք. Փանոսեանի գլխաւորութեամբ, որոնք սպասարկում են 100,000-ից աւելի հայերէն, անգլերէն, ֆրանսերէն, արաբերէն, հայագիտական եւ այլ լեզուներով ֆոնդերը: Մատենադարանի Հնատիպների բաժնում պահպանվում են 3000-ից աւելի գիրք, մոտ 2000-ը հայերէն, 1000-ը օտարալեզու, մամուլի բաժինն ունի ճոխ հավաքացու, որն որ կարելի է ասել ամենահարուստն է Միջին Արեւելքում:

Պետք է ասեմ, որ անցյալ տարվա հոկտեմբեր ամսին, ես մասնակցեցի «Վարպետաց դասերին» Հայաստանի Ազգային Գրադարանում, ուր ծանոթացա թուայնացման հիմունքներին, ինչպէս նաեւ պրակտիկորէն մասնակցեցի համակարգչային բաժնի թուայնացման աշխատանքներին: Օգտվելով առիթից, կուզենայի իմ խորհին շնորհակալութիւնները հայտնել Հայաստանի Ազգային գրադարանի տնօրէն՝ պարոն Տիգրան Զարգարեանին եւ համակարգչային բաժնի նախկին վարիչ՝ տիկին Նունե Սամվելեանին, որոնք ջանք եւ եռանդ չխնայեցին դասընթացը բարձր մակարդակով անցկացնելու գործում:

Մեծի Տանն Կիլիկիոյ Կաթողիկոսութեան Մատենադարանը, անցյալ տարի, Կիլիկիոյ Կաթողիկոսութեան Լոս Անճելէսի թեմից նուէր ստացաւ ATIZ BOOK DRIVE թուայնացման մեքենա: Իսկ այս տարի մայիսին՝ նաեւ ստացանք համապատասխան ծրագիր: Ուստի կարելի դարձաւ լիովին աշխատացնել համակարգը:

Նախ, թուայնացրեցինք Ազգային Գրադարանի կողմից պատվիրված 2 հնատիպ գիրք, որոնք որ պահպանւում էին մեր հնատիպների բաժնում եւ որոնց օրինակները չկային Հայաստանում: Դա՝ ԱԿՆ ՀՈԳԵԿԱՆՆ է, տպուած 1683 թուականին, Մարսէլյում եւ 1703 թուականին Կոնստանդնուպոլսում տպուած՝ Շարակնոցն է: Թուայնաւում գրքերը այսօր փոխանցված են

Ազգային Գրադարանին եւ համապատասխան մշակումից հետո, կդրվեն առցանց կայքէջի վրա:

Ապա թուայնացրեցինք մամուլի մի քանի նմուշներ, որոնք որ նաեւ հազվադեպ են: Այստեղ պետք է նշեմ, որ մեր Մատենադարանում պահպանվող մամուլի հատորները, ինչպէս նաեւ որոշ հնատիպ գրքեր, կազմուել են միասին՝ մեկ հատորով: Ուստի մեկ հատորի մեջ կազմուել են թերթերի տարբեր տարիների թիւեր եւ նույնիսկ տարբեր թերթեր, որոնց ֆիզիկական չափը նույնն է եղել: Օրինակ՝ Մասիս թերթի մեկ հատորի մեջ կարելի է հանդիպել 1871, ապա 1864, 1868 եւ այլն: Նույնն է պատկերը նաեւ հնատիպների բաժնում:

Նշեմ, որ թուայնացման ժամանակ, մենք կազմել եմ բոլոր հատորների ինդեքսները-լինքերը, որպէսզի ընթերցողը հեշտութեամբ կարողանա կողմնորոշվել եւ գտնել իր ուզած ամսաթվի թերթը եւ համարը:

Այս տարի, մենք որոշեցինք առանձնացնել միասին կարված հնատիպները: Այդ աշխատանքների ժամանակ, ի հայտ եկան 100-ից ավելի նոր գրքեր, 1800-1865 թվականին տպուած, որոնց ցանկը մենք ուղարկել ենք Հայաստանի Ազգային Գրադարան՝ համեմատման համար:

Ահա այսքանը մեր Մատենադարանի նորաստեղծ թուայնացման բաժնի աշխատանքների մասին:

Ն.Ս.Օ.Տ.Տ. Արամ Ա Կաթողիկոսի նախաձեռնութեամբ Կիլիկիոյ Կաթողիկոսութիւնը նախաձեռնեց Արեւմտեան Հայաստանի եւ Կիլիկիոյ յուշամատենաների վերահրատարակութիւնը, որ շուրջ 60 հատոր պետք է լինի, «Յեղասպանութեան 100 ամեակի» առիթով:

Այդ շարքում, այսօր իսկ արդեն, լույս են տեսել 7 հատորներ՝

1. Ատանայի Հայոց Պատմութիւն
2. Պատմութիւն Տարօնի Աշխարհի
3. Պատմութիւն Այնթափի Հայոց Ա. Եւ Բ. Հատորները
4. Յիշատակարան Ատանայի Աղէտի Ա., Բ. Եւ Գ. Հատորները
5. Հաճընի Ընդհանուր Պատմութիւն
6. Դիւցազնական Ուրֆան եւ իր Հայորդիները
7. Պատմագիրք Կիւրինի

Հրատարակութեան են պատրաստվում՝ Հակոբ Զոլաքեանի «Քեսաբի Պատմութիւնը», որն որ պիտի ընդգրկէ՝ նաեւ վերջին օրերի զարգացումները: Ապա՝ Արաբկիրի, Մարաշի, Մալաթիոյ, Խարբերդի եւ այլ Պատմագրքեր:

Միայն 2014 թուականին ծրագրուած է 4 հաստափոր հատորների հրատարակումը: Նշեմ, որ շարքի խմբագիրն է՝ պարոն Ժիրայր Դանիէլեանը:

Այս շարքից անկախ, արժե նաեւ հիշել, «Կիլիկիոյ (Ադանայի) եղեոնի 100 ամեակին» նուիրուած Կաթողիկոսարանի Մատենաշարէն լոյս ընծայուած «Կիլիկիոյ Աղէտը» խորագրեալ 3 հատորները, որոնք նմանապէս տպուած են այս առիթով: Այս շարքի խմբագիրն է պարոն Սարգիս Կիրակոսեանը: